

Racoiüda dl ciomënt da tosser:

a San Martin dan le magazin di stödafüch ai 17 de jená dales 9.00 ales 10.00
a Lungiarü dan le magazin di stödafüch ai 17 de jená dales 10.15 ales 11.15
a Antermëia dan le magazin di stödafüch ai 17. de jená dales 12.00 ales 13.00.

Comun: Al vëgn lascé alsavëi che dai 17.01.2022 inant cina ai 28.01.2022 pón jì ti **ofizi dl Comun** de San Martin de Tor ma sc'an á n apuntamënt (tel. 0474 523 125). Chi che adora sac dal refodam dess telefoné al ofize dles cutes (Costabiei David, tel. 0474 524377), spo gnrá i sac arjgná ca por le dé do.

PLOANIES SAN MARTIN Y LUNGIARÜ

Tl'edema dai 18 ai 25 de jená periunse por l'**unità di cristians**. Cristians de confesciuns desvalies prëia por la unità di cristians sot al tema: "I un odü súa stëra jon sö tl oriënt y sun gnüs a l'adoré (Matí 2,2)." Le monn se dejidrëia do na löm che condüj por le tru dal Salvatur che é bun da superé vigni scuritë. ...Ara nes condüj dal Bambin, olache la cristianité é nasciüda, olache le Spirit de Dî é viënt y operënt, te chël ch'i sun gnüs batiá y che trasformëia nusc cörs.

SAN MARTIN

I rengraziun dër bel por l'offerta de 5.896 € che é jüda ales Misciuns tres l' **Aziun di Trëi Resc**. Implü ti dijunse dër bel dilan a les mitans y i mituns: Mia, Noemi, Marian, Emily, Sophia, Greta, y Karolin che a fat i Trëi Resc N gran dilan ala Sara, ai acompagnadus, a Albina che ti á fat da marëna y a düc chi che á tut sö bun i Trëi Resc y che á zënza fat val' ater sorvisc por l'aziun de solidaritë.

LUNGIARÜ

Pro l'**Aziun di Trëi Resc** él gnü ite 1.283 € che vëgn mená al "Bischöfliches Ordinariat"; a düc chi che á ofrì n bel dilan. I oressun ince rengrazië de cör Annamaria che fistidiëia ann por ann da arjigné ca l'inzensc y la crëda por les ciasas.

La Uniun dles Ères prëia por le placat dl **De dla Vita** i geniturs cina ai 20 de jená do n retrat de so möt/súa möta nasciü/da o batié/ada tl 2021.

"Wellenbrecher" sëra de informaziun y impresciuns fora dla staziun Covid cun Andrea Pizzini - Tobias Ploner - Verena Moling en lönesc ai 17 de jená dales 20.00 a Badia tla Ciasa Runcher. Entrada ma cun super green pass. La manifestaziun gnrá ince lasciada odëi en livestream sön la plata facebook dl Consëi de Formaziun de Badia www.facebook.com/conseiformaziunbadia Pizzini é n videomaker che documentëia bele da tröc mëisc incá la situaziun tles staziuns covid y intensives di ospedai de Südtirol. Le fin de Pizzini é chël da ti mostré ala jënt la Pandemia dal punt de odüda plü critich, speran insciö da motivé la jënt a mëte averda y se lascé fá la vacinaziun. Tobias Ploner da San Martin y Verena Moling da La Val é infermiers che laora tres indô tla terapia intensiva Covid.



Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunita

16.01. - 23.01.22 nr. 8

ultimo termo por comunicaziuns: jöbia, dales 20.00

2ª DOMÈNIA IA POR L'ANN - C

Vangele do Jan 2,1-11

Te chël temp èl na noza a Cana tla Galilea,
y la uma de Gejù è dailò.

Ince Gejù y sù discepuì è invià a noza.

Canche le vin è jü fora,

ti à la uma de Gejù dit a d'ël:

Ai n'à plü degun vin.

Gejù ti à respognü:

Ći oste pa da mè, ëra?

Mia ora n'è nia ciamò gnüda.

Süa uma ti à dit ai sorvidus:

Ći che èl ves dij, chël fajede!

Insciö à Gejù fat so pröm sëgn a Cana tla Galilea

y à manifesté süa gloria, y sù discepuì cherdò te èl.



Datrai cunta le vangele bëgn cosses che n'è nia saurides da crëie. Mo i prò pa da lí le vangele te n'atra manira: Ci ocajuns me dëida pa da capí Chël Bel Dî? Da mëte man süa vita publica odunse Gejù pro na noza. Bunamënter à Gejù ion festes de vita y de ligrëza - sciöche nozes implides de speranza tl dagní. Gejù müda ega te vin, al ne dëida nia ma da ti sparagné la blamaje ai nüc, al trasformëia na cossa normala da vignidé te na cossa particolare, te na mosöra rica nia da s'aspeté, cotan surafora co ch'al ne foss sté debojëgn. Y bel plan m'intëni val' dles impormetüdes de Dî; al é tres maiú, plü bel y atramënter co ch'i sun bun da m'al imaginé. La fin de chësc vangele baia dla gloria de Dî y dla fede di discepuì. Al ne mëss nia dagnora ma ester mirachi y de bi momënc che nudrësc la fede, mo vigni tant él dër d'ütl sc'an pó se gode la vita te süa plenëza te momënc scincá ch'an ne s'ess gnanca aspeté. image

EDEMA	SAN MARTIN	LUNGIARÜ
16.01.22 2ª DOMËNIA - Ann C	9.00 Corona 9.30 Gran Messa por la comunité de rengraziamënt a Sant Antone + siur Vito Rubatscher + Tone Unterweger	7.50 Corona 8.15 Gran Mëssa por la comunité
17.01.22 Lönesc <i>Antone abat, Beatrix</i>		
18.01.22 Dedolönesc <i>Regina, Prisca</i> Edema (18 - 25) d'oraziun por l'unité di cristians	19.00 Mëssa dl ann + Rita Rubatscher Verginer + Gile Moling (dl ann) + Erika Psailer	
19.01.22 Dedemesaledema <i>Marius, Heinrich</i>		7.30 Mëssa aniv. + Pire Mischi + Maria Anna Rhoner
20.01.22 Jöbia <i>Fabian, Bostian</i>	7.30 Mëssa y Novëna a S. Ojöp Fr. en onur de San Bostian dl ann + Mariangel Tavella + Maria Huber Mitterutzner, Porsenú + Giovanni Pescoller Corona por vocaziuns	
21.01.22 Vëndres <i>Agnes, Ines, Meinrad</i>	18.30 Adoraziun chîta 19.00 Adoraziun deboriada y Novëna a S. Ojöp Fr.	7.30 Messa + + de Iachin dl ann + Veronica Costa
22.01.22 Sabeda <i>Vinzenz, Teodolinda</i>	19.30 Mëssa prefestia + + Erica y Alfred Videsott + + Edith y Paul Prousch + + families Prousch Perathoner y Novëna a S. Ojöp Fr.	18.00 Mëssa prefestia + + Fonjo y Ida Pezzei, do Crusc + Nando Clara
23.01.22 3ª DOMËNIA - Ann C DOMËNIA DLA BIBLA	9.00 Corona y Novëna a S. Ojöp Fr. 9.30 Gran Messa por la comunité en onur de Sant Ojöp da Oies + + siur Bertrand y Paula Vollmann	7.50 Corona 8.15 Gran Mëssa por la comunité

a Cana tla Galilea

Les anfores, implides de vin prezius,
cunta de ci che nos dessun ester
canche le vin se rōia:
sc'al vëgn a mancé speranza y prospetives
y i se sintiun arbandoná da Idî.
Dailó orunse confidé te Gejú
che é n "artist dla trasformaziun"
y che é sté bun da trasformé ega te vin.



I sun massaries fates por ci che ël ó nes juté ite.
Al ó mëte te nos so vangele prezius
ch'i le portunse y ti al jutunse sö al monn.
I sun bocá, bocá de vita,
de ligrëza y de fidënza
y - i sperí - plëgns de Spirit Sant,
desponüs da nes lascé implí de süa abundanza
y generusc y valënc assá da juté sö d'infora.